

聖迦柅忿怒金剛童子菩薩成就儀軌經卷

上出蘇悉地經大明
王教中第六品

言三

唐三藏沙門大廣智不空譯

爾時金剛手菩薩從座而起頂禮佛足退坐
一面合掌向佛而白佛言世尊世尊哀愍加
持於我已說蘇悉地言三諸真言軌則律儀教法
我今欲為未來有情及末法時無福德者以
於前世不修善品作諸罪業致於今生招感
貧匱逢遇惡人聞諍言訟殺害有情亦為未
來有諸國王正法治國生清淨信尊敬三寶

為鄰國小王侵擾國界不遵正法或有外道
不信因果毀謗三寶滅壞佛教有如是等種
種有情今於佛前為彼等類說以息災增益
愛敬降伏等法令知佛法有大威德神通自
在知諸菩薩具一切智或復有諸修真言行
者見有衆生常懷惡心欲破佛法興師害善
大悲愍念作降伏法而令彼人不逐惡業亦
遮未來墮之惡趣是故說此無比大威德聖
迦柅忿怒之法修此法者當於有舍利塔前
或於河岸清流水側或於空閑及天廟山間

於如是處或時飲乳食菜或復乞食專誦真言滿六十萬徧即先行法皆得成就有大効驗或能縛摧諸鬼魅滅除邪見毀謗正法壞國之人闡提等類真言威力悉能令彼發于善心毒蟲毒藥不能傷害

又復不爲餘部諸持誦者能破此法若持誦者設有不能依此法則或增或減亦得滿足又能開諸伏藏破阿脩羅關鍵枯竭江河迴止流水又先行法取自身嚕地囉及牛黃酥相和然千盞燈供養聖金剛童子空中有聲

言汝法已成便可取闍伽香水當額奉獻從此已後所求之事無不成就

又往阿脩羅窟門以茅草作鉤誦真言加持徧茅鉤於門邊空中右旋轉專誦真言勿令間斷窟中生大火聚彼中脩羅男女等皆被

燒然一一皆出現身告持誦者言惟願尊者

入我窟中恣意遊戲入已住一大劫受天妙樂又欲取伏藏不擇日時於彼伏藏邊翹一足立誦真言右旋顧視徧於四方即成結界

作大壇亦準此法

專心翹足立誦真言一百八徧守

伏藏者若作障難即被燒成火聚持誦者即告彼言汝等開此伏藏藏中所有皆悉與我若彼不與即作是言梵王那羅延摩醯首羅及闍戰女神訥伽等來厭汝伏藏汝等應速與我此物若不然者忿怒聖者金剛童子滅汝家族彼等聞已皆悉順伏即告彼言汝等可自開藏與我彼則開藏恭敬持與又法取雌黃或雄黃安膳那眼藥置金銀或熟銅器中對有舍利塔前以香塗一方壇置聖金剛童子像於壇中以種種香華飲食開

伽依教迎請而供養之對此壇前誦真言八千徧加持前藥若煖相現用點額上或塗眼中一切人見者親附心生歡喜若煙相現如前用之即得安怛但那成就若光相現亦如前即得騰空自在又法至於恒河或入海之河於此河側而持誦者或淨食或不食誦真言三十萬徧至於阿脩羅窟結印契誦真言其阿脩羅關鍵自然而破窟門即開阿脩羅王引入宮中食天甘露壽命一劫又法若於大海岸邊結印誦真言擬大海水其水即滅

二十五肘隨其滅處地即乾燥又於海岸間
閉目以綿塞其兩耳結印誦真言一千徧則
見自身至楞伽山頂又誦一千徧有羅刹王
微毗師那示現端嚴身至任誦者驅役若不
伏使即想彼羅刹在左足下舉足踏地其羅
刹王悶絕至死所住楞伽之城悉皆被燒如
大火聚持誦者起慈悲心於真言句中加娑
嚩賀字其羅刹等即穌息歸伏任驅使
又於俱摩羅天前乘孔雀天不食誦真言三
十萬徧天當現身與行者願行者即取闍伽

加持七徧以獻作言善來俱摩羅惟願令我
於俱摩羅摩醯首羅天所說真言皆得成就
彼言願汝成就語已不現從此已後一切金
剛部中及餘天所說真言皆得成就
又法至摩醯首羅天廟不食誦真言十萬徧
心所願求皆得滿足
又於梵天那羅延天摩醯首羅天帝釋天俱
摩羅天日天諸餘天等形像之前誦真言十
萬徧心所求願悉皆成就
又欲降伏惡人者取芥子共鹽相和護摩誦

真言十萬徧一徧一稱彼名投於火中天脩
羅等尚被損壞何況諸餘人類與惡心者而
不損壞雖先未有功業隨誦隨成何況常受
持者又欲變密里得迦成為金寶者取密里
得迦以左脚踏頭上以手印打之真言中并
吽字其密哩得迦即自起用補沙鐵刀劒斫
之即全身變成金若不爾持誦者告言速吐
速吐即吐如意寶珠懸自頸下所思之事皆
得滿足

又法對舍利塔前誦真言六十萬徧即先行

成就然以補沙鐵作劒長六指或八指十六
指三十二指量以五淨洗之右手把劒於道
場中念誦乃至劒現光焰得變身為持明仙
飛騰虛空名持劒明仙或以補沙鐵作金剛
杵量如蘇婆呼經說念誦如前則變為毗那
夜迦主仙於諸魔衆而得自在或以作輪念
誦如前為持輪仙於諸明仙得為主宰若作
鉞斧念誦如前則為鬼神主仙於諸鬼神得
為主宰若作刀子為天女主仙於諸天女而
得自在若作羅索則為龍主仙於諸龍中而

得自在若作爍底則得勇健大力能敵俱摩
羅天若佉吒網迦則得如摩醯首羅天於三
界中而得自在於前諸法若一法成就則能
成入一切壇場亦能成就一切諸法所有明
仙共彼來往壽命一大劫

又於曾經所入脩羅窟前誦真言十萬徧先
窟中持誦成就者出迎頂禮引入宮中若下
來即至摩醯首羅天廟中并稱吽字誦真言
一千徧先入宮者皆出來
又法取所獻摩醯首羅萎華又取畫摩醯首

羅像以左腳踏其頸上投萎華作護摩則吉
祥天女與脩羅女從窟而出至行者前作如
是言終身奉事尊者行者拍掌三徧告言汝
隨順我師起慈心於真言句中加娑嚩賀字
彼皆醒悟若作此法由不入者即閉目誦真
言則金剛童子現身告行者言汝來入并眷
屬亦得入

又欲召羅刹使者先入曼荼羅受灌頂然則
離怖畏心常觀念諸佛菩薩聲聞緣覺三時
懺悔隨喜勸請迴向發願將像於塚間作猛

利壇身著赤衣赤色華作髮莊嚴自身頭上
安人劫波羅誦真言無限常以甲冑探身於
猛利壇中畫四印曼荼羅初念誦時見惡形
狗牙上出或有惡形豎髮或一足三足或八
臂或二頭四頭或見大風雷雨第二七日見
美貌女人嚴身幻惑起慈心觀彼退不現第
三七日即見毗那夜伽及見羅刹極惡形容
即降伏爲使者見餘成就持明人得悉地者
所彼起少忿怒視彼人彼人所有成就法悉
皆退失彼羅刹等立誓所爲所作一切所驅

使處皆悉成辦而爲使者

又法於故園中或向一樹下或池側或山間
隨所愛樂處不語或乞食或飲乳或食菜或
支持身命三時懺悔像前誦真言八十萬徧
所爲所作皆得成就

三

六

又欲止作敵不能爲害者三日不食應畫四
印曼荼羅隨供養於壇中一髻尊菩薩位處
置竹竿青幡上取自魯地囉和毒及白芥子
畫作三股底里俱金剛杵杵心畫忿怒金剛
童子形於竿下地上以劒波羅末和泥捏作

獨股金剛杵形作護摩鑪鑪中又捏作一小
獨股金剛杵棘刺木然火取骨末和毒一誦
真言一稱彼名擲鑪中對軍陣前作法令彼
軍衆皆盲手中器仗自落或於當處不動如
杌

又法彼軍欲逼且縱相近近已如前作四印
壇餘壇亦得豎前青旛對彼軍前作護摩鑪
行者裸形被髮結印被甲護身取摩訶莽婆
和毒及血日三時念誦各一百八徧稱彼名
投火中七日中互相殺害互相間構悉皆殞

命二七日間磨滅無餘念誦時不得語寢息
時應卧牛皮

又法於自頭上五脉處刺血作護摩佗敵須
更頑癡如杭任捉殺害若順伏即起悲愍心
取酥和蜜以龍華藥捏稱彼名真言一徧一
擲火中彼苦皆息言二於前諸法若一法成就則
能成入一切壇場亦得成就一切諸法所有
明仙共彼來徃壽一大劫
又欲帝釋擁護者取七蚯蚓糞作彼天形以
右脚踏心上取毒藥和嚕地囉及白芥子誦

真言一千徧護摩一徧一擲火中得天帝敬
愛天眷屬常來擁護

又若華果真言七徧加持以將與人則能歡
喜此金剛童子真言對舍利塔前念誦餘處
不應念誦作法不成若常念誦不間斷者一
切所求皆得成就應發菩提心離慳悋想遠
離無益世間談話一切勝願皆得現前不被
諸魔之所得便不應與人治病及治鬼魅以
妨大法

真言印契念誦次第法

根本印以二中指相背豎二無名指於中指
中節外橫交二頭指鉤二無名指頭二大指
於中指前中節頭相拄二小指頭相合向下
豎如針真言曰

曩謨^引囉怛^合曩^合怛囉^合夜^引野^引曩莫室

戰^合拏^合嚩^合日羅^合播^引拏^合曳^合摩訶藥乞

灑^合細曩^引鉢^合多^合聲^合曳^合怛你也^合佗^合作^合四

唵^合迦^合拏^合度^合嚩^合六^合吽^合引^合發^合吒^合音^合娑^合嚩^合二^合賀^合

引^七

又第二根本真言開脩羅宮用前根本印真

言曰

曩謨引囉怛曩合二怛囉合二夜引野一曩莫室

戰合二拏縛日囉合二播引拏聲二曳二摩訶藥乞

灑合二細曩引鉢多聲上曳三怛你也合二佗引去噉引

噉五引度曩尾度曩六迦拏矩嚕合二馱七薩

嚩演怛囉引二合拏引吽八

次結獨股杵印二手內相又作拳二大指互

捻二小指甲上頭指並豎合用前第一根本真言

次結護身印用前根本印印身五處真言曰

唵引薩嚩瑟吒合二嚩向羯羅二迦拏

矩嚕引二合馱三囉乞灑合二囉乞灑合二捨引娑

嚩引二合賀引四

次結甲冑印準前根本印舒二頭指相拄二

大指捻二頭指下第一文印身五處真言曰

唵引紇哩合入嚩二迦拏野二摩諾賀吽發吒

音娑嚩引二合賀引三

次結寶山印準前杵印二頭指微屈頭相拄

安頭上即成真言曰

唵引阿佐羅吽二引

次結牆界印準前根本印直舒二頭指頭相

去一寸許真言曰

唵一引訖哩二合迦泥二諾賀諾賀三鉢者鉢者

四吽五發吒六

次結網印準前根本印印二大指向外散開

真言曰

唵一引嚩日囉二合半惹囉吽發吒九

次結縛毗那夜迦印準前根本印二頭指二

中指屈入掌二大指各押二中指於掌中伸

相背合為拳真言曰

唵一引度曩尾度曩怛囉二合娑引野二戌引灑

野三薩嚩尾曩引野迦引南四引吽五引娑嚩二合

賀六

次結迎請聖者印準前根本以二大指向身

招真言曰

唵一引度顛發吒二

次結請聖者眷屬用前印真言曰

唵引娑跋哩嚩引囉二麼引嚩引賀野婆去聲

誡鏤三迦拏矩嚕引馱四三麼野麼弩鼻聲娑

摩囉娑嚩二合賀五引

次結獻闍伽印準根本印二大指捻二頭指

下第一文真言曰

唵一引縛日嚩二合娜迦吽二引

次結獻座印準前獨股杵印二大指捻二頭指下文頭向外出少許真言曰

唵一引縛日嚩二合尾三引囉二引野二合娑二合囉二合賀二合

三引

次結獻塗香印準前杵印二大指微屈捻頭指下文二大指相去二寸許能滿所闕儀軌

真言曰

唵一引迦拏矩嚩二合馱二合薩二合縛二合薩二合怛二合縛二合

娑二合羯二合囉三合囉二合乞二合灑二合薩二合縛二合產二合馱二合顙二合娑二合縛二合

引賀四引

次結獻華印準前杵印出右指真言曰

唵一引迦拏捕二合澀二合波二合母二合納二合婆二合囉二合吽二引

次結燒印準前杵印二大指面相合真言曰

唵一引迦拏矩嚩二合馱二合塢二合孽二合囉二合能二合聲二合瑟二合

吒二合嚩二合得二合羯二合吒二合佩二合囉二合縛二合孽二合囉二合恨二合

拏二合孽二合囉二合恨二合拏二合度二合奔二合娑二合囉二合賀二合

次結獻食印準前杵印出二大指二小指頭

相拄餘六指內相叉作拳真言曰

唵一引迦二拏三吽三娑二嚩合賀引

次結燈明印準前杵印二大指向身並豎真

言曰

唵一引迦二拏三你泥引以跛二你三跛三野三吽三發三吒三娑

嚩二賀四

次結頭印準前根本印二大指捻二無名指

甲上真言曰

唵一引吽二吽三麼三麼三發三吒三

次結頂印準前根本印二頭指直舒頭相柱

真言曰

唵一引訖二哩二戰二拏二迦三拏三諾三賀四鉢四者四吽四

五引發二吒二娑二嚩二賀六

次結前根本印安於心上以心真言加持心

真言曰

唵一引迦二顛二吽二發二吒二

次結甲冑印如多羅菩薩印二頭微開用前

甲冑真言

次結最勝印二手內相叉作拳二小指頭相

合用前第二根本真言次捧念珠當心以隨

心真言加持七徧隨心真言曰

唵引迦顙度麼二吽三發吒四

次結奉送聖者印準前根本印二大指向外

撥真言曰

唵引迦拏娑縛二合賀三引

今復說開阿脩羅窟門立印持誦者當迅速

踏地行步喜躍恐悚頻伸蹙眉鼓其兩頰二
手高舉曲其十指爲師子爪二目向下如師
子顧視時時以兩手兩師子爪更互上下以
踏其地師子行作阿里荼立舞而旋遶想自
身如本尊此印一切印中最勝能摧一切阿

脩羅宮關鍵

金剛手菩薩說畫像法取不截白氎畫又受
八戒畫菩薩身種種瓔珞以莊嚴身如火色
徧身流出火焰以右手持金剛杵鋒舉向上
右手作施願手脚爲里荼立踏磐石上施願
手下畫持誦者右膝著地手執香爐像成已
當於像前種種供養燒安息香無間念誦乃
至聞空中聲及聞鈴聲復有光現光如流星
墜下壇內聲如雷震即獻闕伽其像或動或
放光當知即有功效已後對像念誦隨意皆

成

又法取白氎用牛尿洗復用香水濯淨於閑靜處對佛前或舍利塔前不應用皮膠和彩色畫筆色盞須新者畫匠澡浴著新淨衣受齋戒勿吐氣以衝其像亦不與畫人論其價直其像獨身從海涌出如吠瑠璃色身有六臂臂膊臍停相貌充滿面有三目其目赤色首戴寶冠狗牙上出口齧下脣顰眉威怒又於海中畫一寶山像以左足踏於寶山山上有妙蓮華以承其足右足在海水中立沒

其半膝右第一手持底里賞俱金剛杵作直勢第二手持母娑羅栴謂棒一頭如鐵杵形第三手執鉞斧左第一手把棒第二手如擬勢作金剛拳舒頭指第三手持劔以大蛇於身上角絡繫又以一切毒蛇膊釧臂釧脣條璫珞及耳璫繫髮又以一大蛇遶脣三帀身背圓光火焰圍遶於火焰外有其雲電以相輔翼畫已持於河岸或向樹下或天廟中或於池側若念誦時常須乞食默然不與人語乃至成就常起慈心三時發露懺悔專自策

勵生勇健心不應怯弱常樂捨施每月受灌
頂護身於念誦處應結方隅界及結曼荼羅
界加持香水灑身衣服每日三時迎請聖者
獻闕伽及塗飲食燈燭對像誦真言九十萬
徧作先行法正持誦時有惡人來作障難者
以忿怒誦真言而顧視彼即癲癇狂亂若稱
彼名念誦視之其人身肉片片圯裂或致死
世醫不救須臾以右脚大指極按其地誦真
言即空中雨火熾然燒之若起慈心念誦如
水滅火即得惺悟若外賊侵境稱魁師師念

誦者彼軍盡皆疫病或波迸逃竄或當枯死
或癲癇病惱彼若順伏當慈念誦還得如故
又欲求成就殊勝果者於神通日月白分就
趣海河側印沙印沉爲塔中置緣起偈即法
偈置像於塔前念誦行者以水和麩食之取
遍迦木搗酥投火護摩十萬徧已地動轉身
飛騰爲忉利天主若徧地有火炬則爲四天
王主若大雲注雨大地所有伏藏一時踊出
若金色光徧現則爲菩薩壽命一劫一切有
大威力無能沮壞若見一切有情身出光焰

即證悟一切三乘佛法菩提心成就若像及
塔放光則得一切持明仙中爲王若徧十方
光焰即見普賢菩薩所求世間出世間一切
勝願悉皆滿足此法不應無智慧少悲愍者
不敬師長多口過者掉舉散亂多事務者不
入曼荼羅不受灌頂者如是等人念誦則招
顛狂夭壽金剛手菩薩如是說
又若鄰國侵境惡臣作亂者對像前取人劫
波羅搗爲末捏作彼人形當於塚間或於池
側以像面北持誦者面南坐於三角壇中安

像斷語乞食忿怒作無悲愍心以右手作金
剛拳舒小指刺彼人形心上誦真言無間斷
由此威力令彼得大病即於壇中忿怒王現
身如大拇指節如火聚顯金色周圍流出金
剛火焰以右手頭指作期克勢即迅速至於
彼處告言某甲特誦者使我來令斷汝命汝
命不存彼聞是語即吐熱血即命盡若歸順
悔過應起慈心速加持香水灑彼頭上即離
苦惱得蘇息若見餘成就人得悉地者於彼
起少忿怒視彼人彼所有成就法悉皆退失

又法欲驅惡人令遠去者取朗伽離藥誦真
言稱彼名加持七徧埋彼人門閭下即自遠
逝

又法以白檀香三指許剋作金剛童子像右
手把獨股金剛杵左手施願手忿怒形敲下
臂用金剛杵形以爲瓔珞莊嚴以毗梨勒木
作合盛之燒蘇合香供養對合前念誦三萬
徧即成就一千種大小不擇時日不限齋戒
不成就人亦得成就若人有厄難稱彼人名
念誦得解脫

又法食菜或飲乳或乞食念誦應持禁戒一
如比丘誦三十萬所爲所作對此像前如前
縛撲所問皆得應驗

又雄黃法如前畫像取雄黃置熟銅器中持
誦者取五淨飲之身即清淨置像於舍利塔
前用根本真言三淨其精舍護身結方隅界用
前眷屬真言加持塗香燒香時華飲食燈燭
以伸供養或黑月八日十四日用四角菩提
葉承雄黃器用三箇菩提葉覆之如無菩提
夜合葉亦得念誦乃至三相現若煖相現取

塗足即離地一尺日行千里若煙相現得安
但但那若光相現則飛騰虛空一切無能沮
壞若於路中所逢象馬車乘自開路避之行
者作法時應著黃衣及以黃神線角絡如披
袈裟若求安勝那成就以青泥染衣服著或
服赤衣神線亦如是說曼荼羅用五月九月
於黑分先令念誦者殷重供養師然後取吉
祥木長十二指加持一千八徧爲欲念誦者
作護摩已方引曼荼羅受灌頂以其曾作先
行法者應畫曼荼羅用五色粉搥成四門門

外畫標分曼荼羅爲三分中取半分爲門當
上門以香粉畫佛坐蓮華右畫觀自在菩薩
左畫金剛手菩薩並坐蓮華上當下門畫聖
迦柁忿怒金剛童子住蓮華上徧身光焰四
角應畫三股金剛杵以蛇纏杵并有光焰門
門安賢餅壇中心置一餅滿盛香水以細繒
帛繫餅頸各加持一百八徧盛金剛水用灌
弟子頂灌已一切悉地皆得現前從此已後
纔結契念誦頓集無量功德所求皆得成就
聖迦柁忿怒金剛童子菩薩成就儀軌經卷

上

音釋

4.122 10.1

十六

也	狂	博	音	柅
病	膿	膿	女	切
圯	圓	丑	夷	
毀	符	容	鍵	
也	鄙	直	巨	
切	切	也	端	倭
竄	條	絲	也	切
匪	土	刀	股	
也	繩	切	公	
切	也	編	戶	
麪	癩	癩	杌	
乾	音	音	五	
粒	鬧	顛	忽	
也	癩	癩	切	
	癩	癩	樹	
			膊	

聖迦尼忿怒金剛童子菩薩成就儀軌經卷

中下同

言四

唐三藏沙門大廣智不空譯

我今復說作先行法於舍利塔前安本尊像
於三月十五日塗壇隨力供養取沉香搗酥
蜜酪晝夜擲火中十護摩一誦一擲爐中若道
場中旛華搖動當知有效驗即於晨朝供養
三寶七日獲得財寶榮官皆得稱意及得珠
玉七寶等

又欲令空中出火者視望空誦真言二十一

徧意念即空中火出

又欲雨者觀虛空誦二十一徧即降甘雨取
雨水獻佛已後所作皆成

又欲空中雨華者觀虛空誦二十一徧即於
空中雨種種華

又欲令若男若女歡喜者以安息香作丸誦
二十一徧一稱彼名投火中即得歡喜
又加持菖蒲二十一徧口中含共人論議皆
得勝

又若毗那夜迦相逼惱作障難者纔憶念真

言一切皆消散若常念誦不間注意於彼障者并親族皆自滅壞

又法從黑月一日起首對像前每日三時念誦真言時別一千八徧燒安息香丸護摩至月末所求皆得又對像前以蓮華搗酥蜜酪誦真言一千徧一擲火中護摩即獲伏藏又求衣服者於趣海河入水立至肩取有藥華誦真言一千八徧一徧一擲水中即得衣裳十副

又法迦腩摩華搗酥蜜酪護摩真言一千八

徧一徧一投火中一切有情皆得歡喜順伏又法對像前取蘇摩那華搗酥蜜酪護摩於七日中日三時時別誦真言一千八徧徧徧一擲火中一切人恭敬得爲邑主

又欲摧伏設咄嚕者取人骨爲椶作彼人形或畫或捏三加持一百八徧釘於心上即得摧伏

又欲摧彼設咄嚕令麼囉者取燒屍殘木作椶磨紫檀香以塗椶上取屍林中帛纏椶釘彼設咄嚕如前形頭上彼設咄嚕即毋馱今

復說畫聖金剛童子像念形虎皮裙右手把
金剛杵左手作施頭對像於舍利塔前作先
行法已以香華供養此像像前作方爐作增
益法取沉香可長大指節搵酥合油七日日
三時時誦真言一百八遍一擲火中護摩滿
七日已得持明仙安怛但那足離於地行疾
如風所聞永不忘

又欲成就藥者取羯拏迦羅華藥龍華藥白
檀香此等細擣熟研又取象脂其象年二十
額上自有文
裂即有流脂異種極香取此脂和上件藥為丸和藥時

取鬼宿日令童女沐浴著新淨衣擣節香藥
及作七丸丸如梧子陰乾丸藥法以大指頭
指融蠟塗上又取竹膜貼蠟上意不欲上
有指文印藥上若有指文藥無靈驗也其
藥丸取生沉香作合子盛對像前結淨三時
念誦乃至合子中作法吒吒聲即取一丸
供養本尊一丸三奉請一丸供養先成就者又
一丸分與助伴餘三丸以熟金銀薄重重裹
之於口中含即得安怛但那滅影藏形
又欲破他敵者取華置死人身身上然後收取
燒屍殘木然火護摩七日取月黑分或中夜

或日中每時一百八徧對三角爐前面向南
坐稱彼將師名用前華加持一徧一擲火中
彼軍即破

又欲令淨行婆羅門歡喜者取俱爛拏迦華
常稱彼名七日內作護摩誦真言投華火中
即得歡喜

又於舍利塔前取牛黃加持一百八徧用點
額所行履處一切見者皆敬愛歡喜

又取骨屢草爛苗搗酥護摩一千八徧一徧
一擲火中即得一切災難悉皆殄滅及增壽

命

又法先已降伏者欲息彼苦三時以乳護摩
彼苦則得消除

又欲求聞持不忘日誦萬言者對聖迦吒金
剛像前種種供養於銀器中盛酥取酪法如
下當明念誦乃至相現皆得聞持不忘

又欲得延壽者飲乳食大麥誦真言十萬徧
對摩醯首羅像前取雄黃盛熟銅器中以七
箇菩提樹葉如前上下覆蓋兼施八方天供
養粥誠心念誦或有伴無伴應護自身結甲

胄印念誦乃至三相現若光相壽命萬歲

又欲得敬重者以鐵作輪或三戟又於舍利塔前安金剛手菩薩像廣大供養置壇中右手按上無間斷念誦乃至質質致致聲當知成就手把叉或輪一切天人即皆順伏敬重

彼人如佛又取河兩岸土捏作頭指形安壇中以金剛杵按上念誦乃至金剛杵及指來近身當知成已後手把此指欲鉤召天龍八部若男若女及畜生禽獸等真言句中稱彼等名迅疾如風即至行者所使所作皆得順

伏

又延壽法對像塗壇供養於熟銅器中置牛黃念誦乃至光出手把即壽五千年

又法取七箇蚯蚓糞泥加持塗圓壇壇上坐念誦乃至空中有天妙藥下來繞執此藥身如金剛手菩薩

又欲成就華法者取紫檀木雕作開敷蓮華於舍利塔像前念誦乃至光現則變為持明仙最為尊貴若至持明仙住洞之處一切天龍八部皆得隨順

又法被毒蟲所嚙鬼魅所病或瘡或被毒藥所中取水加持七徧灑彼或飲即得除愈

又欲縛撲問字一日一夜不食念誦其法即成或童子童女令澡浴著新淨衣塗拭泥圓壇令坐縛問過去未來事皆知之此法設令

言四

五

犯四重五無間罪現生無成就分者由入曼荼羅受灌頂已後念誦現生得一切成就況具戒行者

又取牛黃末加持一千八徧用點額頭一切人皆見歡喜若在軍陣刀箭不著身

又法晨朝取水一掬加持七徧飲之食飲不求自至

又把袈裟角加持二十一徧共人論議皆得勝辭無礙

又法經過賊境一心念誦即不被劫奪傷害

又法佉陀羅木灰散彼持誦人彼即持誦無効若欲解時心誦真言一徧即解

又婦人產生取酥一兩加持二十一徧令服即易產不受諸苦

又欲令惡人歡喜者取蠟捏作彼人形安於

腔上加持一千八徧暴惡忿怒人皆得敬順
歡喜

又對本尊像前獻白華一千八枚即一切恭
敬順伏

又持誦者飲乳或食大麥取蚯蚓捏作和修
吉龍王形坐彼王上念誦若動搖當知法成
龍王每日供十二人食亦說過未來事

又法從月一日乞食以自存至白月十四日
一夜對像前廣設供養念誦乃至像動即得
安怛但那安怛但那成就中最為尊上心念

百味飲食則得壽五千年

又法入恒河立水至宵誦真言十萬徧然後
於恒河洲中印沙塔加持即將本尊像置河
岸側酥蜜酪相和護摩一切龍即來降伏所
處分事皆得成辦

又法乘船入海誦真言十萬徧海龍王即來
現身所求皆得龍獻行者摩尼寶珠受已便
為持明仙即飛騰虛空一切持明仙中為最
尊

又法令金銅匠受八戒取熟銅作賢餅於中

置少分穀麥等一切種子及諸靈藥金銀七寶等少分塗拭曼荼羅每日三時供養置餅於壇中神通月取一日起首念誦至十五日無間斷念誦加持餅其餅有光焰現則持闕伽供養聖衆敬謝即取餅置於淨處所須之物內手入餅中所須一切財寶車乘衣服玩具隨所意求皆悉獲得餅中所出物先供養本尊其餅須加持防護不爾恐諸魔盜竊餅將去

又法於入海河水立至宵誦真言十萬徧然

後印塔或泥或沙則於像前廣設供養用水精作如意寶或用泥作安右掌中結跏念誦乃至放光即成如意寶得爲持明仙

又法於舍利塔前安像於神通月十五日像前依法廣供養然燈右手持寶幢幢上繫白繒垂下念誦乃至放光即得如意幢爲持明仙

又法於神通月十五日對像前廣供養取般若波羅蜜經夾以香泥塗夾以華鬘纏供養置於左手跏趺坐念誦乃至放光則通達一

切佛法無礙解辯爲持明仙徧遊六趣廣利無邊有情至無上菩提

又法飲乳食大麥於大海岸獨樹下一日三時時別誦真言一千徧大海中所有珍寶悉皆踊出恣意取之

又法食菉豆於山上誦真言一千八徧則見山中一切金恣意取之

又法加持酥一千八徧與無子息女人喫即有男女

又法取醍醐加持一百八徧塗身入火不燒

入水不溺若當念誦不被一切毒藥所中

又法作先行法於黑月八日十四日廣大供養本尊即請僧次供養以雄黃於道場中地上畫百葉蓮華中坐念誦乃至地裂踊出蓮華於蓮華葉上有十六持明仙圍遶飛騰虛空有人若遇見或就者亦得飛騰虛空即此蓮華變成寶莊嚴宮殿壽命劫中劫命終得生淨妙佛國

又加持水一千八徧用漑枯樹即生華果又於枯涸河中念誦水則盈滿又被水漂溺設

令解浮困乏無力念誦真言則得淺處

又願得僧大衆生歡喜者對像前獻華一千
八枚一誦真言獻一華則得又法取安息香
丸用護摩得金千兩

又法對像前以薰陸香護摩七夜別誦真言

一千八徧徧別一擲火中即得伏藏

又欲怨家歡喜者對像前以白芥子護摩七
日日三時時別誦一千八徧徧別一擲火中
即一切怨家降伏

又法加持油一千八徧塗刀箭傷瘡即差

又取土塊加持七徧擲於水中水中磨竭龜
鼈等皆口噤不能傷人

又法以此真言加持一切疾病皆得除愈

又法徧身疼痛或寒熱病一日二日三日或
常患加持油麻油一百八徧或二十一徧用

塗身即愈

又法毗舍遮瘡部多諸鬼魅瘡以真言加持
白縷結索帶之即差

又法取沉香木對本尊像前取犢糞和酥蜜
酪護摩七千徧則有一黃牛來又取犢子糞

和酥蜜酪二萬徧如前護摩其牛必來取其乳供得千人

又對滿賢大將前取蘇摩那華日燒八千乃至六月即得金錢千貫

又法供養像從月一日至十五日每日漸加

一僧初請七僧日滿已其像出語告言汝今成就已後對像念誦所求皆得成就

又法令童女澡浴著新淨衣右合五色線加持一百八徧繫右臂上即除疾病福德增長又於趣海河水中取黑油麻以三指頭撮誦

真言一徧一擲一撮於水中滿八千徧即得穀麥豐饒

又每日取有香氣華一百八枚誦真言加持一徧一獻本尊獲大福

又法取百合莖然火取菖蒲一千八段搗酥護摩一誦真言一擲火中取灰於額上點即得安怛但那如一徧不成至第二第三必得成就

又於菩提樹下夜合樹亦得供養聖者像取牛膝草搗酥蜜酪護摩一千八徧即得象驢騾牛

水牛等自來隨順驅使又春三月黑分受八戒於舍利塔前塗壇香華供養日日請僧次齋取瓦餅底不黑者四枚滿盛水持種種香種種藥少分置於餅中一一餅誦真言加持黑分八日早朝烏未鳴時令男女沐浴對本尊像前取屍林燒屍火及殘木取茴香華護摩誦真言十萬徧一擲火中即得飲食無有窮盡廣應惠施供養

又法若被囚禁枷鎖纔誦真言即得解脫

又於神通月對本尊像前飲乳食大麥從十

三至十五日不間斷念誦聖者即來燈焰增盛地動像動出聲告行者言汝今成就已後對像念誦所求皆得

又法於有舍利塔前誦真言十萬徧所作重罪應墮惡道皆得消滅

又法每日烏未鳴時取胡椒七顆十加持二十徧自吞之即得聞持日誦一百五十徧徧別一擲火中所求榮官財產聰慧增壽悉皆獲得

又法於河兩岸遠人間擣帛杵聲處取土作

方七肘壇於壇上畫千葉蓮華於蓮華上以
如來一碟手凡八一肘量取五種金金銀銅鐵錫相和
銷爲一輪置於華上用種種華供養壇四邊
然酥燈七盞四方置四餅盛香水餅中置七
寶少許餅上安俱緣果應燒薰陸香沉香室
利吠瑟吒迦香安息香應施四方天食東方
施粳米酪飯南方施水和粳米飯西方施粳
米砂糖飯北方施乳粳米粥對此壇前以波
羅奢木然火取牛膝草一千段搵酥護摩先
加持七徧然後一徧一擲火中牛膝滿以其

輪放光手持此輪即得飛騰虛空一切持明
仙皆悉順伏敬事如佛

又於白月十五日月蝕時行者受八戒對舍
利塔前一日一夜不食取瞿摩夷未墮地者
塗一圓壇大小如一牛皮許大取黃乳牛犢
子母同色者令童女擎乳酪攄酥取酥七兩
置於金銀器中以左手持酥以右手無名指
攪酥誦具言加持若煖飲之得聞持不忘日
誦萬言一誦之後終身不忘若得烟相一切
八見者愛敬尊重光相現者安怛但那供分酥

永樂北藏

聖迦尼成就儀軌經

第七五冊

及日蝕如
前法中

又若城邑聚落有疾病流行於中夜塗一小
壇供養白食取乳木柴然火取酥護摩一千
八徧徧別一稱國王名投酥火中疫病遠離
國界

又欲降伏藥叉者取尼拘陀樹木長十指截
搯酥蜜酪護摩一千八徧即伏
又欲伏癩癘鬼吸人精氣鬼取黑羊毛護摩
一千八徧彼鬼服已病者除愈
又欲降伏摩醯首羅者取安息香作一千八

九搯酥護摩一千八徧一切摩醯首羅所有
使者悉皆降伏能成辦一切事

又法取雄黃一兩隨索價用婆羅皂夾木亦
者相柴然火燒雄黃如火色已欲收取置熟
銅器中以酥澆雄黃上其酥取黃牛母子同

色者令童女繫乳卧酪抨酥取酪蜜酪各別
器中盛供養本尊收取雄黃盛於熟銅合子
中俟月蝕時從十三日至十五日三日斷食
對舍利塔前面向北坐取菩提葉七枚四枚
敷合下三枚覆合上無間斷念誦若暖相現

取點額一切人見皆悉歡喜若烟相現則安
恒但那成就若光相現則飛騰虛空如是依
前法求成就雖黃牛黃安膳那法皆得唯牛
黃法少異於此牛黃法取月十五日於荷葉
中裹牛黃安於二手中合掌無間念誦加持
乃至三相現所獲果報如前
又法以五金作蓮華取鬱金香牛黃龍腦香
研作末取天雨水和爲七丸於舍利塔前安
像念誦以右手按藥乃至放光則飛騰虛空
爲持明仙壽命一萬歲若以真言加持頭冠

十二

臂剗腰條皆得成就如前設令破戒壞行所
爲所作尚得成就何況具戒行者又取犢子
瞿摩夷護摩七日每夜一時誦真言一千八
徧一徧取瞿摩夷少許一擲火中得牛一百
頭

又法入河中立水至胷取蓮華搗檀香如香摩
誦一百千徧徧別一擲水中所得伏藏積如
蓮華
又法取吉祥木一千八段搗酥護摩三日日
三時一千八徧即得財寶豐饒

又法取烏油麻稻穀華相和對像前護摩三
日日三時時別一千八徧徧別一擲火中即
得家中飲食無盡

又欲得降伏一切龍王者取種種華護摩三
日日三時時別一千八徧即得一切龍降伏

又欲降伏藥叉者對像前取安息香丸護摩
七日日三時時別一千八徧即得一切藥叉
降伏

又法欲召藥叉女者取無憂木準前藥叉護
摩法即得藥叉女來恭敬承事所須一切衣

服飲食及諸財寶隨意供給

又法對根本像前取沉香木搥酥護摩三七
日日三時時別一千八徧即得一切諸天歡
喜助護災難消滅福德增長

又法若被囚禁夜時澡浴著新淨衣服誦真
言一千八徧即得解脫

又法若被人瞋怒欲相損害者取油麻護摩
一千八徧即彼人歡喜

又法誦真言加持菖蒲一千八徧繫於臂上
於佗人邊出言所求皆得稱意又常念誦於

諸怨敵得勝不被侵陵

又法取旗幡以真言一百八徧以香華并酪
七椀供養旗幡及獻闕伽即持此旗引軍前
彼軍見旗自破

又法若城邑被奪應對像前取黃色華七日

護摩日日像前誦真言一千八徧一徧一擲
火中先有城邑被他所奪即皆卻得

又法作先行法取白芥子七日七夜護摩一
月內其宅中雨寶

又法對像前香華供養飲乳食大麥取蓮華

莖搗酥護摩一千八徧得金千兩

又法取赤蓮華十萬莖護摩十萬徧心所願
求悉皆得之

又法取白蓮華一萬枚搗酥護摩一萬徧即
得官祿高遷

言四

十四

又取白檀香搗油護摩十萬徧即獲金錢一
千枚

又法取沈水香護摩十萬徧徧別一擲火中
日誦萬言耳所曾聞經典乃至終身不忘

又法取黃乳牛子母同色者犂乳成酪抨酥

於金器中盛誦真言加持十萬徧即喫得聞持不忘日誦萬言

又法取棟子搥香油護摩十萬徧一切囚閉被禁縛人皆得解脫

又法若見怨家心誦真言彼起慈心不能爲害

又法一切疾病誦真言加持楊枝拂彼即除愈

又法取五色線結索加持七徧繫臂一切鬼魅悉皆遠離

又法加持淨灰七徧遶壇散之即成結界

又法婦人不收男女者月經後取母子同色牛乳加持一百八徧令彼女人禮佛菩薩令飲又煮乳粥和酥加持一百八徧與服即生福德具相之男

言四

又法作先行法像前香華供養取沈香可如

十五

大拇指節搥酥合油護摩七日日三時特別誦真言一千八徧徧別一擲火中即得持明仙安怛但那成就足離地疾行及得聞持不忘

聖迦柅忿怒金剛童子菩薩成就儀軌經卷
中

聖迦柅忿怒金剛童子菩薩成就儀軌經卷
下

唐三藏沙門大廣智不空譯

我今說縛撲印法先以瞿摩夷塗一圓壇一
肘量取七八歲童男或童女著新淨衣先令

潔淨三日立於壇中燒安息香先加持香七
徧然後燒之又取華加持七徧置童子當中
令掩面然後行者結契誦真言行者面向東
童子面向西其印以二手內相叉作拳二小
指相鉤以大指並豎捻如鉤鎖形安於額牢
掘彼童男即語以二大指向外撥童子即卻
遠後行二大指向身招童子即向前來即成
鉤召以印左右揮其童子即隨印左右撲舉
印向上童子即立問其吉凶三世之事一一
皆實所作疾成爾時金剛手菩薩以偈頌曰

此金剛童子	從我三昧生	成辦一切事
忿怒王大力	即我金剛手	調伏難調者
能滅除諸罪	暴惡諸藥叉	及諸羅刹衆
惱害修行者	令彼速除滅	梵王及帝釋
水天諸天王	及餘威德者	刹那令滅壞
受持者應當	入忿怒王定	威德如金剛
能伏難調者	悉皆令順伏	
又法取蓮華或有香氣華護摩所求皆得		
又結印誦呪字真言即得山嶽摧倒亦能枯		
竭河水亦能破阿脩羅關鍵爾時金剛手菩		

薩告大衆言此忿怒王有無量威德大神通力善能調伏難調伏故示諸方便從於三昧生此菩薩適纔憶念一切鬼魅悉皆馳走一切惡心衆生皆當損壞一切災禍悉皆除滅若有受持此真言者自然成受三昧耶戒若求悉地速得成就無能沮壞不墮諸惡趣速證菩薩地成無上菩提有纔誦一遍則能除一切災禍能禁制虎狼師子惡龍等加持土塊擲彼身上則不能爲害若被日月五星逼近本命宿者能常念誦不招災禍若被除佗

人災者以白芥子和乳稱彼名護摩則息災
若犯羅刹鬼所持或爲怨家所逼害當念誦
真言即得解脫怨家慈心相向

又若有鬪訟取蘇摩那華護摩七夜夜別一
百八徧徧一擲火中諍訟消滅若有修行應

言四

十七

入此曼荼羅受灌頂當分地拼線阿闍黎應
淨其地以五色線拼壇壇八肘或十二肘或
十六肘如先說法儀則四方四門於中央畫
蘇嚕蘇嚕大忿怒王金剛手持金剛杵金剛
手明正右邊畫金剛族中金剛鉤明妃右邊

畫大抱誡縛底明妃南邊畫步擲金剛大恐
怖眼等右邊畫難觀十大忿怒金剛所謂難
觀忿怒金剛水中忿怒金剛降伏忿怒金剛
阿波囉爾忿怒金剛摧天忿怒金剛恐怖天
忿怒金剛須彌忿怒金剛寶峯忿怒金剛降
三世忿怒金剛光明熾盛忿怒金剛北邊青
棒等十金剛所謂青棒金剛謨時迦羅金剛
劫比羅金剛大笑金剛勇健步金剛舉足步
金剛摩醯首羅步金剛一霹靂金剛摧伏金
剛大棒金剛西方畫難勝等八大金剛所謂

難勝金剛忿怒金剛難持金剛恐怖金剛極
忿怒金剛三世金剛成就金剛大忿怒金剛
若欲於佗怨敵惡人得勝者壇內四門各各
門右邊畫金剛恐怖忿怒菩薩左邊畫軍吒
利金剛於外四門右邊畫霹靂忿怒金剛左
邊畫金剛鎖忿怒金剛於二忿怒金剛前應
畫天阿脩羅諸龍及諸魔作恐怖受降伏勢
於壇外界道畫諸天衆以塗香時華飲食燈
明置壇四邊供養一切諸菩薩金剛明王各
各聖者皆以本真言迎請迎請已獻闕伽供

養結印請諸聖者真言各各呈奉三昧耶印
然後引弟子入壇擲華隨華著處聖者便授
與本尊真言即應灌頂於此大忿怒曼荼羅
所求勝願及破佗敵則得滿足由入此曼荼
羅一切疫病鬼魅一切障難悉皆消滅於此
壇亦能成就一切藥物安怛但十八那入阿脩羅
宮悉皆成就

爾時金剛祕密主見未來一切有情為利益
安樂故略說成辦一切曼荼羅以少財寶以
少時分持誦者但清淨住戒兼助伴清淨修

行或於白月一日或二日或五日或八日或十四日或於滿月十五日取如是等日起首修曼荼羅或於城內或於城外或寺中或村邑聚落於東北方華果茂盛叢林名華輦草寂靜處於神通月建立曼荼羅如瞿呬邪經所說治地淨地兼分位已應畫聖金剛童子曼荼羅此壇能成就一切大事有威德若修行具諸律儀依蘇悉地教王及依最勝經不久成就所有鬼魅作障礙者及餘九執聖凡種種相貌纔稱彼名四散馳走若見此曼荼

羅得灌頂已則得三昧耶戒然後從師受真言印契儀軌克獲成就如前所說金剛王經中法若有勤勇者成就無疑爾時金剛秘密主告諸天衆言末法之時修此教者有懈怠不具真言律儀者或惡龍雷震諸魔變現種種身形惱亂持誦者及諸布單那鬼吸入精氣鬼并天趣之中犯羅刹及諸天母衆等或在須彌山及諸寶山莊嚴之處山河峯側巖窟林野大江沼大樹大河大海之間雲霧陂澤悅意華果樹下及興雲降雨山處故園故

廟一切鬼神多依如上諸處住好作障難伺
求人過若不依軌法即為彼魔得便為如是
等種種有情故說斯法令持誦者不為眾魔
之所得使我金剛手菩薩為愍念有情示現
真言王忿怒形由此真言威力一切藥叉羅
刹天眾見我者皆大怖畏於求一切成就法
中一切真言忿怒眾中我為最勝王哀愍難
調於諸有情作障難者為調伏彼故說是真
言於三昧中示現此形從額流出是故一切
真言無比大威德大忿怒大怖畏大名稱為

護王及正法故我秘密主說金剛童子法於
此教中當作息災增益敬愛等若有於佛教
起邪見瞋毒心滅正法者應作猛利心作降
伏法若彼降伏受諸苦惱欲令除者應用乳
木作護摩即得息災我今又說求悉地時能
成辦諸事印加持所成就物真言曰
唵_引迦_引吒_引矩_引嚩_引三_合馱_二薩_二縛_二薩_二怛_二嚩_二婆
去_引孕_引羯_引囉_三囉_三乞_三灑_三囉_三乞_三灑_四薩_四縛_四捺
囉_二尾_二野_二合_二吒_二婆_二嚩_二三_合賀_三_引
澡洗印準前獨股杵印二大指並入掌手腕

相著即成真言曰

唵引迦拈矩嚕二合囉拽蹉婆嚩二合賀二引

道場掃地真言曰

迦拈麼引囉野二引

求成就時縛難調者準前根本印以大指於

掌中交真言曰

唵引迦拈戌引灑野二薩縛努瑟鵠二合滿

馱野滿馱野四吽五發吒六

廣大金剛心印準前獨股杵印以二大指掌

中相拈

廣大金剛隨心印準前心印以二大指並豎

亦名蓮華金剛印最勝心印準前最勝印屈

二小指頭相拄若種種障難家中不祥結此

印念誦即皆消滅最勝隨心印準前最勝印

舒二名指此印能成辦一切事若入脩羅宮

亦用此印有大威力

次說大鉤印二手內相叉二頭指屈如鉤此

印三界中所有衆生之類皆能召得若召阿

脩羅女於七日中即來

又說解拏吉你印如前獨股印舒二小指二

頭指頭相合餘六指內相又以二大指數數開之非但解拏吉你亦能除地居一切鬼魅法此即用根本真言

又說調伏一切龍印準前獨股杵印屈大指入掌以甲正相向想彼龍在大指節間此印能伏一切龍三三祈雨止雨一切諸龍見此印馳散遠去亦能除一切毒蟲所嚙由此印威力不被諸毒傷害若已被傷者即差又說驅擯一切難調有情印二手內相又以二大指四相合此印有大威力諸大力天及

惡鬼神不順教者悉能驅逐用根本真言

又法以阿落得迦脂書彼人名於掌中用火

炙掌念誦真言句中加彼人名須臾即至

又持根本真言十萬徧然後取安息香作十

萬丸護摩諸藥又女毗金遮女皆能召來種

種驅使

又法若有災難及恐怖處誦真言八千徧則

得災滅離怖畏

又對忿怒王像前以秬米飯和酥護摩則得

家中飲食無盡

又法取護摩灰點於頂上入軍陣不被刀杖所傷於佗敵得勝

又法若城邑聚落有疫病可入水念誦七夜夜別一千八徧諸疫病悉除

又法若求財寶著新淨衣對像前香泥塗一

小壇燒安息香誦真言一萬徧則得如意

又法對像前專注意誦真言三十萬徧即見聖者所求皆得

又天久霖雨加持白芥子一百八徧徧別一擲上散虛空即雨止

又法取一男子死屍未損壞者於屍陀林或四衢道先與藥瀉以水灌洗令瀉腹中惡物出已又以香湯洗身令淨以香塗徧身帛繒纏勝覆形華鬘嚴飾取佉陀羅木誦真言七徧加持佉陀木橛釘於頭邊以髮繫橛上持誦者於屍心上坐言四面向東起慈心廿二勇銳無恐怖四方應置解念誦者四人執劍持誦者手持小鐵杓酌鐵末瀉屍口中不間斷念誦其屍即出舌以利刀截取舌右手把變成劍色如青蓮則兼諸眷屬飛騰虛空為持明王壽

命一大劫當生金剛手菩薩宮中又法於屍陀林中共鬼交易賣摩訶莽婆與鬼取長年藥恒但那藥寶劔伏藏金銀七寶當作法時用此真言護自身及助伴皆得無礙不被鬼幻惑所求皆成就

又法欲破佗敵者將帥已下一一皆以真言加持七徧護身佗敵即破或以真言加持水一千八徧散灑軍衆不被傷害得脫彼敵退散
又法以四瓷餅底不黑者取河流水滿盛及

著少分諸香及諸藥對像前加持一百八徧頂上澆灌彼人念誦久致功夫猶無現驗被諸魔嬈惱者不祥鬼魅所持由作此灌頂洗浴法故諸魔魅等悉皆遠離福德熾盛速疾成就

又法加持香水一千八徧身上散灑鬼瘡皆除

又法取孔雀尾一莖加持一百八徧拂彼身上彼人被毒所中皆除差

又法取蚯蚓糞塗小圓壇於上坐誦真言一

萬徧即先行法成就先行者即真言法然後

不擇時日宿直七日日誦真言一千八徧即

得金錢一千

又誦真言加持索帶或灑水則成護身誦兩徧則成結方隅界誦真言三徧護助伴四徧

護曼荼羅

又法於黑月八日一日一夜不食取乳牛母子同色者瞿摩夷未墮地者和土作童子像塗一小壇置像於中其壇上廣設供養對像誦真言十萬徧其像動頭現餘應驗當知所

思念事皆得成就金剛童子夢中現身示教應作不動作事

又法於黑月八日一日一夜不食取芥子和酥護摩一千八徧則得一千金錢并得莊嚴又法取室麗瑟曼得迦木然火以骨屢草苗

護摩十萬即得牛一千頭

爾時金剛手菩薩為利益安樂諸有情故說普通儀軌欲為未來末法之時淨信修行樂大乘者及懈怠嬾惰不具慧方便者速集福德智慧修真言行為護持正法帝王令加持

國界人民豐樂無諸災禍吉祥福德是故說
此妙真言門時金剛手菩薩即從眉間出於
光明照燭加持等應頂受我之所說大忿怒
明王金剛童子息災騰空等成就法如上等
儀汝等助護速令成就此法勿生疑惑如法
奉行

十四

十四

聖迦尼忿怒金剛童子菩薩成就儀軌經卷
下

音釋

搵烏困切 搵手捺也 撮其月切 齧五結切 既古代切
涸平各切 縷力主切 聲音搆取 枰補耕切
也 水竭也 線也 牛乳也 彈